



Universitätsbibliothek Paderborn

Lignvm Vitae, Ornamentum, & Decus Ecclesiae

In Qvinque Libros Divisvm. In quibus, Totius Sanctiss. Religionis Divi Benedicti initia; Viri Dignitate, Doctrina, Sanctitate, ac Principatu clari describuntur: & Fructus qui per eos S. R. E. accesserunt, fuissimè explicantur

Wion, Arnold

Venetiis, 1595

S. Burchardus Episcopus Iuris Pontificij doctor, & Decretorum, siue sacrorum Canonum collector sextus. cap. LXXXI.

urn:nbn:de:hbz:466:1-38397

RAMVS OCTAVVS,

In quo explicatur

SERMO SCIENTIAE,

per quem

Intelliguntur, Iuris Pontificij Doctores.

S. BURCHARDVS
EPISCOPVS:Iuris Pontificij Doctor, & Decretorum, siue Sa-
crorum Canonum collector sextus.

Scriptum est enim,

*Ambulemus in Decretis eius, & custodiamus
mandata eius. 3. Reg. 8.*

Cap. LXXXI.



CTAVI Rami initium sumpsimus à Sancto Bur-
chardo Vuormatiensi Episcopo, quem Episcopa-
libus indutum, librum operum suorum manibus
tenentem, in superiori rami parte excrecere con-
spicis. Hic ratione Hesus, in cœnobio Laubien-
si, ordinis S. Benedicti, congregationis Cluniacen-
sis, vitam monasticam edoctus, Alberto, postmodum Abbate Gem-
blacensi, magistro usus est; cuius doctrina imbutus magnos in sa-
cro sancta Ecclesia fructus edidit: quos inter, is præcipuus fuit,
quod post Isidorum Peccatorem (errant qui hanc laudem S. Isido-
ro Hispalensi tribuunt) qui sextus sacrorum Decretorum colle-
ctor enumeratur, ex sententiis Sanctorum Patrum, & Generalium
Conciliorum, summorumq; Pontificum Decretis, magnum opus
& insigne, Decretorum videlicet libros viginti, de variis consiliis
& accidentibus, per annos amplius quam quadringentos, ab anno
scilicet

scilicet 600. ad 1020. vel circiter, occurris, magna cum sua, totiusq; monastici ordinis laude, commodis Sanctæ Ecclesiæ, composuerit, qui libri excusi sunt, Parisiis anno 1499. in 8. Colonia, an. 1548. in 8. & alibi.

Composuit item epistolarum ad diuersos, lib. 1. quarum una ad Vualterum Spirensen Episcopum, extat apud Gratianum, distinctione 73. In nomine Domini. Obiit tandem Vuormatiæ, anno Domini 1025. Episcopatus sui 29. ubi & sepultus est die 20. Augusti, in summa basilica, cum his versibus.

Robora Burchardus ex nomine denotat artis

Et quod nomen habet, maxima facta probant.

Vangio nam per eum fossas, & mœnia, turres

Aedificat rursus, depopulata prius.

Sigebertus anno 1008. Trit. de script. eccles. & alibi: innumerusque alij.

D. GRATIANVS.

Iuris Pontificii Doctor, & Decreti Pontificij, quod prænotatur Concordantia discordantium canonum, compilator.

cui dicitur.

Confirma sententiam, & scribe DECRETVM, ut non immutetur, quod statutum est. Dan. 6.

Cap. LXXXII.



V B præcedentis imagine, altera emergit, monachi legentis, & sinistra apertum librum tenentis, habitu, per quam significatur Donnus Gratianus, natione Ethruscus, patria Clusinus, monachus monasterii S. Proculi, siue ut alij uolunt Sanctorum Felicis & Naboris, Bononiæ, ordinis S. Benedicti, congregationis Cluniacensis; qui cum esset in diuinis scripturis studiosus, & sacrorum Canonum lectione diues, exemplo Ruth Moabitidis, post terga metentium spicas colligens, & patrum sententias, conciliorumque sanctiones diligenter inquirens, Decretorum infinitum penè & nobile opus, prænotatum Concordantia discordantium Canonum, Herculeam planè audacia primus excogitauit,